

Communicaziun a las medias dals 25 da matg 2022

La Banca Chantunala Grischuna terminescha il project dals cudeschs dal piz

La Banca Chantunala Grischuna (BCG) ha installà avant dus onns en il rom da ses giubileum da 150 onns 150 cudeschs dal piz digital. La finamira: ina plattafurma digitala per aventuras e maletgs or dals culms dal Grischun. Dapi lura dumbra il cudesch dal piz da la banca chantunala passa 7000 inscripziuns.

„Tuttina polarisescha la furma odierna dals cudeschs dal piz ed in ulteriur svilup en furma cumplainmain digitala chatta memia pauc interess“, explitgescha Martin Rust, il responsabel per la persistenza tar la BCG.

Per quest motiv deinstallescha la BCG tut ils var 75 cudeschs dal piz anc existents e terminescha il project. „Nus sminain che pli u main la mesadad dals 150 cudeschs dal piz saja gia vegnida demontada da personas privatas che nus n'enconuschain betg“, di Martin Rust. La squadra da project da la BCG controllescha fin il 2023 tut ils 150 piz ed allontanescha las stelas existentas u dismetta eventualas restanzas da cudeschs dal piz ch'ins ha gia prendi davent.

La [plattafurma online](#) cun las inscripziuns dals cudeschs dal piz è accessibla fin che la davosa stela è demontada. „Nus avain 7000 etemisaziuns d'alpinistas e d'alpinists ed uschè ditg che singuls cudeschs dal piz cun codes QR èn anc avant maun, vulain nus mantegnair ed administrar la plattafurma“, declera Martin Rust.

Contact:

Thomas Müller, thom.mueller@gkb.ch, telefon +41 81 256 83 11

Daniel Daester, daniel.daester@gkb.ch, telefon +41 81 256 88 01

Banca Chantunala Grischuna, Medias & Investor Relations, chascha postala, 7001 Cuir
medien@gkb.ch / gkb.ch/medien

Banca Chantunala Grischuna.

La Banca Chantunala Grischuna porscha tut quai ch'i dovra per ina banca universal moderna – per personas privatas, l'economia ed il maun public. L'interpresa cun sedia principala a Cuir è represchentada en passa 40 lieus en il Grischun. Cun var 1'000 collavuraturas e collavuratur è la BCG ina da las pli grondas patrunas en il chantun. Sia attaschadada al Grischun exprima ella en differentas modas. Ultra da sias activitads economicas s'engascha ella cun ses sponsoradis, ses fond da contribuziuns e sias purschidas per lavur voluntara.